



## Samþykkt fyrir ungmennaráð á Akureyri

### Stofnun og tilgangur

Ungmennaráð Akureyrar var stofnað árið 2010 á grundvelli æskulýðslaga nr. 70/2007. Í 11. gr. laganna segir: „Sveitarstjórnir hlutast til um að stofnuð séu ungmennaráð. Hlutverk ungmennaráða er m.a. að vera sveitarstjórnunum til ráðgjafar um málefni ungs fólks í viðkomandi sveitarfélagi.

Tilgangur ungmennaráðs Akureyrar er annars vegar að veita ungmennum fræðslu og þjálfun í lýðræðislegum vinnubrögðum og hins vegar að skapa vettvang og leiðir til þess að gera ungmennum kleift að koma hugmyndum og skoðunum sínum á framfæri m.a. við kjörna fulltrúa sveitarfélagsins.

### Hlutverk:

Hlutverk ungmennaráðs er að vera vettvangur ungmenna til að hafa áhrif á næsta umhverfi sitt. Sem dæmi um starfsemi ungmennaráðs má nefna:

- Ungmennaráð skal eins og kostur er hafa frumkvæði að umfjöllun mála.
- Ungmennaráð getur komið með ábendingar um öll málefni sveitarfélagsins.
- Ungmennaráð beitir sér fyrir bættri þjónustu við börn og ungt fólk.
- Ungmennaráð hefur upplýsingasiðu á heimasíðu Akureyrarbæjar og ber ábyrgð á að koma réttum upplýsingum á framfæri við tengilið Akureyrarbæjar.

Nefndir og ráð bæjarins skulu senda ungmennaráði til umsagnar öll málefni sem snerta ungt fólk sérstaklega. Hafa skal í huga að í 12. gr. Barnasáttmála sameinuðu þjóðanna, sem jafnframt er ein af grundvallarreglum sáttmálans, stendur að „börn eiga rétt á að láta í ljós skoðanir sínar í öllum málum er varðar þau og að tekið sé réttmætt tillit til skoðana þeirra í samráði við aldur þeirra og þroska“. Barnasáttmálinn var lögfestur á Íslandi 20. febrúar 2013.

Ungmennaráð gerir tillögur til frístundaráðs um hvert það mál sem ráðið telur tengjast hagsmunum og aðstæðum ungs fólks. Ráðið fylgist með því, eins og við á, að stofnanir og þjónusta sveitarfélagsins vinni með hagsmuni ungs fólks að leiðarljósi.

### Tilnefning og skipan í ungmennaráð:

Fulltrúar í ungmennaráði geta orðið þeir einstaklingar sem eiga lögheimili á Akureyri og eru á aldrinum 14 – 20 ára á árinu sem skipað er í ráðið hverju sinni.

Í ungmennaráði skulu sitja 11 nefndarmenn. Að minnsta kosti fjórir kjörnir nefndarmenn af grunnskólastigi og fjórir af framhaldsskólastigi. Efnt er til kosninga að vori fyrir nefndarmenn af framhaldsskólastigi í samráði við skólafélögin en að hausti af grunnskólastigi. Ef laus sæti eru í ungmennaráði eftir kosningar geta skólar, félagsmiðstöðvar og ungmenni Akureyrar tilnefnt fulltrúa í ráðið.

**Athugasemd [LBP1]:** Þyrfti kannski að útlista betur hver sér um fræðsluna og með hvaða hætti

**Athugasemd [KJR2]:** Spurning hvort sé þörf fyrir sérstaka síðu?

**Athugasemd [LBP3R2]:** Það hefur oft komið upp sú umræða en það þarf einhver að sjá um slíka síðu

**Athugasemd [KJR4]:** M.v. umræðu á fundi með bæjarráði er spurning um að fara með töluna niður í 9

**Athugasemd [LBP5R4]:** Ekki sterkar skoðanir í ráðinu hvort eigi að fækka nefndarmönnum, ég hef hins vegar áhyggjur af vinnuálagi á nefndarmenn ef þau eru bara 9

Nefndarmenn sitja í ungmennaráði einn vetur í senn og er þá aftur efnt til kosninga en sitjandi nefndarmönnum gefst kostur á að bjóða sig fram aftur.

Í samræmi við jafnréttislög nr. 10/2008 skal hlutfall kynjanna vera sem jafnast og eru laus sæti miðuð út frá því.

Fulltrúa í ungmennaráð skal skipa fyrir [1. október ár hvert].

Á fyrsta fundi ráðsins er ákveðið hvort ráðið kjósi [sér] formann og varaformann. Formaður ráðsins stjórnar fundum og sér um að allt fari þar löglega og skipulega fram. Hann úrskurðar í ágreiningsmálum, sem upp kunna að koma út af fundarsköpum en skjóta má úrskurði hans til úrlausnar nefndarinnar. Fundarmönnum er skylt að lúta valdi formanns að því er varðar fundarsköp og góða reglu.

Formaður ungmennaráðs hverju sinni er í forsvari fyrir ungmennaráð um tillögur og áherslur þess eftir því sem við á.

### Fundir:

Ungmennaráð fundar einu sinni í mánuði yfir vetrartímann. Í mars ár hvert skal haldinn sérstakur bæjarstjórnarfundur unga fólksins og [2x á ári skulu haldnir sameiginlegir fundir fristundaráðs og ungmennaráðs.

Um fundarsköp á fundum ungmennaráðs gilda ákvæði sveitarstjórnarlaga og reglur um almenn fundarsköp. Starfsmaður í samráði við formann boðar til fundar með dagskrá. Í dagskrá skal vísað til gagna um þau fundarefni sem til umfjöllunar eru eftir því sem kostur er. Dagskrá skal send til aðalmanna í síðasta lagi tveimur sólarhringum fyrir fund. Hægt er að boða til fundar með styttri fyrirvara með samþykki allra nefndarmanna og skal það bókað í upphafi fundar. Heimilt er að taka mál til meðferðar í ungmennaráði þótt ekki sé það tilgreint í dagskrá. Þó er skylt að fresta afgreiðslu slíks máls ef einhver nefndarmaður óskar þess. Mál skulu tekin til umræðu og afgreidd í þeirri röð sem þau eru á dagskrá nema formaður eða ungmennaráð ákveði annað. Afl atkvæða ræður úrslitum mála. Formaður í samstarfi við starfsmann sér um að fundargerðir séu skipulega færðar í gerðabók og í tölvu og að allar samþykktir séu bókaðar nákvæmlega.

[Fulltrúar í ungmennaráði fá greitt hálf nefndarlaun fyrir fundarsetu á sex fundum á ári.] (Þessu atriði þarf að taka sérstaklega fyrir í bæjarráði og áætla þarf fyrir kostnaði í fjárhagsáætlun - Greiðsla fyrir 11 fulltrúa og 6 fundi væri ef miðað er við 50% fundarsetulauna fyrir minni nefnd eða starfshóp pr. fund kr. 13.352 x11x6 = 882 þús)

### Þjónusta Akureyrarbæjar við ungmennaráð:

Til að greiða fyrir starfsemi ungmennaráðs beinir Akureyrarbær þeim tilmælum til stofnana bæjarins að þær veiti ungmennaráði aðstöðu til fundahalds án endurgjalds.

[Bæjarráð úthlutar fjárhagsramma til ungmennaráðs] í samræmi við samþykktan fjárhagsramma bæjarstjórnar fyrir hvert starfsár. Ráðið gerir starfsáætlun í samræmi við úthlutaðan fjárhagsramma fyrir næsta starfsár vegna verkefna ungmennaráðs

Ungmennaráð getur og er hvatt til að sækja styrki til Fristundaráðs fyrir sérstökum tilfallandi

**Athugasemd [KJR6]:** Ef ráðið á að geta haft áhrif á fjárhagsáætlun eða komið með tillögur er spurning um að hafa 1. sept?

**Athugasemd [LBP7R6]:** Það er erfitt að hafa 1.sept þar sem skólar eru svo nýbyrjaðir

**Athugasemd [LBP8]:** Núverandi ráð vill ekki hafa formann, heldur að allir séu jafnir í ráðinu

**Athugasemd [KJR9]:** Ef ungmennaráð fær áheyrnarfulltrúa er spurning hvort það eigi að tilgreina fjölda sameininglegra funda. Reykjavíkurráð ungmenna heldur árlega borgarstjórnarfund unga fólksins. Er vilji til þess hér?

**Athugasemd [LBP10R9]:** Þau vilja funda með bæjarstjórn og fristundaráði

**Athugasemd [LBP11]:** Ef ráðið velur að kjósa sér ekki formann á þetta ekki alveg við, þeim hugnast betur að skiptast á að gegna þessu hlutverki

**Athugasemd [KJR12]:** Endanleg ákvörðun gagnvart þessu liggur hjá bæjarráði / bæjarstjórn

**Athugasemd [KJR13]:** Er þetta svona eða er það Samfélagssvið sem úthlutar fjármagni?

**Athugasemd [LBP14R13]:** Ég veit ekki hvernig þessum málum er háttað, við höfum aldrei fengið upplýsingar um hversu mikið fjármagn er eyrnamerkt ungmennaráði

verkefnum

Forvarna- og frístundadeild Samfélagssviðs tilnefnir starfsmann úr sínum röðum til að vera umsjónarmaður ungmennaráðs. Umsjónarmaður ber ábyrgð á rekstri og stjórnsýslu ráðsins, þ.m.t. fjármálum og framkvæmd ákvarðana þess. Umsjónarmaður hefur málfrelsi og tillögurétt á fundum ungmennaráðs.

Umsjónarmaður ungmennaráðs aðstoðar við upplýsingaöflun úr bæjarkerfinu ásamt því að birta fundargerðir ráðsins á vefnum. Samfélagssvið hefur fræðsluskyldu gagnvart fulltrúum í ungmennaráði.

Fundargerðir ungmennaráðs eru birtar á vef Akureyrarbæjar. Fundargerðirnar eru teknar til kynningar á fundum frístundaráðs.

## Samskipti

Samfélagssvið og deildarstjóri forvarna- og frístundamála eru tengiliðir ungmennaráðs við bæjarkerfið.

Ungmennaráð á áheyrnarfulltrúa í frístundaráði og fræðsluráði.

Ungmennaráð kemur erindum sínum á framfæri við bæjarstjórn eða stjórnsýslu bæjarins með formlegum hætti, þ.e. með bréfi eða tölvupósti. Akureyrarbæ ber að svara erindum með bréfi eða tölvupósti.

**Athugasemd [LBP15]:** Þyrfti að útskýra betur og bæta við t.d. ungmennaráði er gert kleift að taka þátt í verkefnum bæði heima og erlendis

**Athugasemd [KJR16]:** Vísað aftur til umræðu á fundi ungmennaráðs með bæjarráði

**Athugasemd [LBP17R16]:** Þau vilja bæta við fræðsluráði